



UNIVERSITÄTS-
BIBLIOTHEK
PADERBORN

**LEGVM PON||TIFICIARVM GRE-||gorij noni, seu
Decretalium pentateu-||chus**

Mesnart, Martin

Parisiis, 1555

ix. De feriis.

[urn:nbn:de:hbz:466:1-63486](https://nbn-resolving.org/urn:nbn:de:hbz:466:1-63486)

ptorio circūducto noua ipsi dilatio indulgetur.

Iudex verò ad primam citationem neq; nimis ^{1. Dilecti}
breuem, neque peremptorium terminū (maximè cum de rebus ecclesiasticis agatur) nisi cum
necessitas vrgeat, assignato. Si secus diem pe-
remptorium maturasset: prouocatio esto.

De Feriis. Tit. 9.

HAE verò litium negociorūq; dilationes
ab omnibus seruantur:

Omneis dies dominici à vespero in vesperum ^{1. Omneis}
cum omni ueneratione obseruantur. omneis in
his ab omni illicito opere abstinento. neque
mercatum, neque placitum faciunt. nemo ad
mortem pœnāve iudicator. sacramēta nisi pro
pace vel alia necessitate nā præstantur.

Sic dies septimus ad humanam quietem depu ^{3. Litet.}
tatur esto. Sic tam ipse, quàm alij dies maiestati
altissimæ deputati, sanctorum quoque martyrum
natalicia obseruantur. In his opus seruile ne pa-
trator. Si quæ tamen rerum fortuitarum ac ne-
cessariarum inclinatio continget in ipsis, præ-
terquam si maiores anni solennitates erunt, eis
intendere licet. de lucro verò quod inde pro-
ueniet vicinis ecclesiis & Christianis congrua
portio distribuitur.

Et generaliter dieb⁹ feriatis ob dei optimi ma-
ximi reuerentiã statutis iudicialis strepitus con <sup>5. Con-
questus.</sup>
quiescitur. hi numerantur: Natalis domini, sancti
Stephani, Ioānis euāgeliste, Innocentiū, Siluestri,
Circumcisionis, Epiphanię, dominicę passionis,
dies septē, resurrectionis totidē, Ascensionis,

Pentecostes cum sequentibus duobus, natiuitas Ioannis baptistæ, festiuitates omneis magnæ matris virginis, xii. apostolorum præsertim Petri & Pauli, beati Lauréti, dedicationis, Michaëlis archangeli, solennitas Pantheon seu sanctorum omnium, dominici dies, ceteræque solennitates quas singuli episcopi cū clero & populo in suis diocesis nominatim celebrandas duxint. In his, nisi quæ necessitas vrgessit, vel pietas suadesit, neque processus habitus, partibus etiam consentientibus, neque promulgata sententia teneto. Diebus tamē feriatis, qui vindemiarum, Cerealiumve gratia ob necessitates hominū indulgentur, partibus volentibus procedere liceto.

2. Quo-
niam.

Festorum autem principium & finis iuxta eorum qualitatem, & regionum consuetudinem adtenditor. sicut exigit dierum magnitudo prius occipito, tardiùs terminator. alioquin à vespero in vesperum, sicut scribitum est, celebrantur. Sic sanctæ Triadis festiuitas secundum regionum consuetudinem vel in Pentecostes octauis, vel dominico aduentum domini præcedente, in Ro. ecclesia nullo tempore specialiter celebrator. dominicis, & aliis præcipuis festiuitatibus, siue inter Paschatis & Pentecostes nulla genuū flexio, præterquam si in secreto, aut ex propria religione quis facere volet, esto. In episcoporum consecrationibus, & clericorum ordinationibus consecrati & consecrato tantum genua pro consecrationis modo flectere liceto.

4. Capel-
lanus.

Tribus hebdomadis ante Ioanis baptistæ natiuitatis ne celebrantur. hæ à tribus litaniarum diebus

bus ante adscensionem domini ad octauum vsque diem post Pentecostes computantur. Nubtiæ interim, & à septuagesima ad septimum vsque diem post Pentecostes pro consuetudine ecclesiæ, vel secundùm canones vsque ad octauas Paschatis suspenduntur. Sequenti dominico & deinceps licitè celebrantur. Matrimonium tamen consensu interueniente legitimo de præfenti quocunque tempore rectè contrahitur.

De ordine cognitionum. Tit. 10.

Semel autem cæpto iudicio, quo ordine de altercationibus partium cognoscendum fiet, diffinitur.

Coram quo iudice causa erit, ante eam terminatam ne quæ alia dependens ex ea incipiat, videto. vnum negotium diuersis processibus ne intricatur. Iudicii ordo ne confunditur. Qui natalium causam in ecclesiastico foro habebit, donec ea finem habebit, coram laico iudice super successione ab ea dependente si conuenietur, vt expectetur, rectè petito.

Sic & qua exceptione probata principalis quæstio perimetur, ante de ipsa, etiam auctore testes ad suæ intentionis probationem inducente, quàm ad diffinitionis articulum procedatur, cognoscitur. Id, si vindicanti virum mulieri consanguinitas obiicietur, seruatur.

Si restitutionem petenti alia spoliatio in exceptionis modum obiicietur: super hac exceptione primitus probationes admittuntur. ea probata, reus ante restitutionem respondere ne tenetur;

H